

Aciu que i a un bòsc,
Que i pèishen las aulhas,
Aciu que i a un bòsc,
Que i aneram tantòst.

Au bòsc que i a ua hont,
Qu' aperan hont hadeta,
Au bòsc que i a ua hont,
Veiràs com i hè bon.

Ua hada bèth temps a,
De tant qu'èra beròia,
Ua hada bèth temps a,
S'i voloc miralhar.

Tant, tant se miralhèc,
Dens l'aiga capbaishada,
Tant, tant se miralhèc,
La prauba que's neguèc.

E la hont per amor
Que cambièc la hada,
E la hont per amor
Que la cambièc en flor.

Dempús costa au canèr,
Arrosat per l'aigueta,
Dempús costa au canèr,
Que florèish un rosèr.

Là-bas, il est un bois
Où paissent les brebis,
Là-bas, il est un bois,
Nous irons cet après midi.

Au bois est une fontaine,
Qu'on appelle Fontaine aux Fées,
Au bois est une fontaine,
Tu verras comme il y fait bon.

Une fée, il y a bien longtemps,
Tant elle était belle,
Une fée, il y a bien longtemps,
Voulut s'y mirer.

Tant, tant elle s'y mira,
Dans l'eau, tête penchée,
Tant, tant elle s'y mira,
Que la pauvre se noya.

Depuis, près de la source,
Arrosé par l'eau claire,
Depuis, près de la source,
Fleurit un rosier.